

廣弘明集卷第十七

亦七

大唐釋 道宣 撰

佛德篇第三之三

隋國立舍利塔詔 隋高祖

舍利感應記 隋著作王劭

慶舍利感應表并荅

隋安德王雄百官等

隋國立佛舍利塔詔

隋文帝自法干六州等

雍州仙遊寺

岐州風泉寺

涇州大興國寺

秦州靜念寺

華州思覺寺

同州大興國寺

蒲州栖巖寺

并州無量壽寺

定州恒岳寺

相州大慈寺

鄭州定覺寺

嵩州嵩岳寺開居

亳州開寂寺

汝州興世寺

秦州岱岳寺

青州勝福寺

牟州巨神山寺

隋州智門寺

襄州大興國寺

揚州西寺

蔣州栖霞寺

吳州會稽山寺

蘇州虎丘山寺

衡州衡岳寺

桂州緣化寺

番禺靈鷲山寺

交州禪衆寺

益州法聚寺

廓州連雲岳寺講

瓜州崇教寺

門下仰惟正覺大慈大悲救護羣生津梁庶

品朕歸依三寶重興聖教思與四海之內一

切人民俱發菩提共修福業使當今見在爰

及來世永作善因同登妙果宜請沙門三十

人請解法相兼堪宣導者各將侍者二人并

散官各一人薰陸香一百二十斤馬五疋分

道送舍利往前件諸州起塔其未注寺者就

有山水寺所起塔依前山舊無山者於當州

內清靜寺處建立其塔所司造樣送往當州

僧多者三百六十人其次二百四十人其次

一百二十人若僧少者盡見僧為朕皇后太

子廣諸王子孫等及內外官人一切民庶幽

顯生靈各七日行道并懺悔起行道日打刹

莫問同州異州任人布施錢限止十文已下不得過十文所施之錢以供營塔若少不充役正丁及用庫物率土諸州僧尼普為舍利設齋限十月十五日午時同下入石函摠管刺史已下縣尉已上自非軍機停常務七日專檢校行道及打刹等事務盡誠敬副朕意亦七焉主者施行

仁壽元年六月十三日內史令豫章王

臣暕宣

舍利感應記

隋著作王劭

皇帝昔在潛龍有婆羅門沙門來詣宅出舍利一裹曰檀越好心故留與供養沙門既去

求之不知所在其後皇帝與沙門曇遷各置舍利於掌而數之或少或多竝不能定曇遷曰曾聞婆羅門說法身過於數量非世間所測於是始作七寶箱以置之神尼智仙言曰佛法將滅一切神明今已西去兒當為普天慈父重興佛法一切神明還來其後周氏果

滅佛法隋室受命乃興復之皇帝每以神尼為言云我興由佛故於天下舍利塔內各作神尼之像焉

皇帝皇后於京師法界尼寺造連基浮圖以報舊願其下安置舍利開皇十五年季秋之夜有神光自基而上右繞露槃赫若冶鑪之

燄一旬內四如之皇帝以仁壽元年六月十

三日御仁壽宮之仁壽殿本降生之日也歲

歲於此日深心永念修營福善追報父母之

恩故延諸大德沙門與論至道將於海內諸

州選高爽清靜三十處各起舍利塔

皇帝於是親以七寶箱奉三十舍利自內而

亦七

三

出置於御坐之案與諸沙門燒香禮拜願弟子常以正法護持三寶救度一切眾生乃取金瓶琉璃各三十以琉璃盛金瓶置舍利於其內薰陸香為泥塗其蓋而印之三十州同刻十月十五日止午入於銅函石函一時起塔諸沙門各以精舍奉舍利而行初入州境

先令家家灑掃覆諸穢惡道俗士女傾城遠
迎揔管刺史諸官人夾路步引四部大衆容
儀齊肅共以寶蓋幡幢華臺像輦佛帳佛輿
香山香鉢種種音樂盡來供養各執香華或
燒或散圍繞讚頌梵音和雅依阿含經舍利
入拘尸那城法遠近翕然雲蒸霧會雖盲瞽

老病莫不匍匐而至焉沙門對四部大衆作
是唱言至尊以菩薩大慈無邊無際哀愍衆
生切於骨髓是故分布舍利共天下同作善
因又引經文種種方便訶責之教導之深至
懇惻涕零如雨大衆一心合掌右膝著地沙
門乃宣讀懺悔文曰菩薩戒佛弟子皇帝某

敬白十方三世一切諸佛一切諸法一切賢
聖僧弟子蒙三寶福祐爲蒼生君父思與一
切民庶共建菩提今欲分布舍利諸州起塔
欲使普修善業同登妙果爲弟子及皇后皇
太子廣諸王子孫等内外官人一切法界幽
顯生靈三塗八難懺悔行道奉請十方常住

諸佛十二部經甚深法藏諸尊菩薩一切賢
聖願起慈悲受弟子等請降赴道場證明弟
子爲一切衆生發露懺悔於是如法禮拜悉
受三歸沙門又稱菩薩戒佛弟子皇帝某普
爲一切衆生發露無始已來所作十種惡業
自作教他見作隨喜是罪因緣墮於地獄畜

生餓鬼若生人間短壽多病卑賤貧窮邪見
諛曲煩惱妄想未能自寤今蒙如來慈光照
及於彼衆罪方始覺知深心慙愧怖畏無已
於三寶前發露懺悔承佛慧日願悉消除自
從今身乃至成佛願不更作此等諸罪大衆
既聞是言甚悲甚喜甚愧甚懼銘其心刻其

亦七

四

骨投財賄衣物及截髮以施者不可勝計日
日共設大齋禮懺受戒請從今已往修善斷
惡生生世世常得作大隋臣子無問長幼華
夷咸發此誓雖屠獵殘賊之人亦躬念善舍
利將入函大衆圍繞填闔沙門高捧寶瓶巡
示四部人人拭目諦視共睹光明哀戀號泣

聲響如雷天地爲之變動凡是安置處悉皆如之真身已應靈塔常存天下瞻仰歸依福由益而無窮矣

皇帝以起塔之旦在大興宮之大興殿庭西面執珪而立延請佛像及沙門三百六十七人旛蓋香華讚頌音樂自大興善寺來居殿

堂皇帝燒香禮拜降御東廊親率文武百僚素食齋戒是時內宮東宮逮於京邑茫茫万宇舟車所通一切眷屬人民莫不奉行聖法衆僧初入勅使左右密夾數之自顯陽門及升階凡數三遍常剩一人皇帝見一異僧曷槃覆膊以語左右曰莫驚動他置尔去已重

數之曷槃覆膊者果不復現舍利之將行也皇帝曰今佛法重興必有感應其後處處表奏皆如所言

雍州於仙遊寺起塔天時陰雪舍利將下日便朗照始入函雲復合

岐州於鳳泉寺起塔將造函寺東北二十里

亦七

五

忽見文石四段光潤如玉小大平整因取之以作重函於是大函南壁異色分炳爲雙樹之形高三尺三寸莖如雪白葉如碼碯北壁東壁有鳥獸龍象之狀四壁皆有華形左旋右轉其後基石漸變盡如水精沙門道璩圖此雙樹之象置於許州葉盡變爲青色明年

岐州大寶昌寺寫得陝州瑞相圖置於佛堂以供養當戶大像三吐赤光流出戶外於是戶外十佛像及觀世音菩薩亦頻放光半旬之內天華再落

涇州於大興國寺起塔將造函三家各獻舊磨好石非界內所有因而用之恰然相稱

秦州於靜念寺起塔先是寺僧夢羣仙降集以赤繩量地鐵椽釘記之及定塔基正當其所再有瑞雲來覆舍利是時十月雪下而近寺草木悉皆開華舍利將入函神光遠照空內又有讚嘆之聲

華州於思覺寺起塔天時陰雪舍利將下日

便朗照有五色光氣去地數丈狀若相輪正覆塔上數十里外遙望之則正赤上屬天舍利下訖雲霧復起瑞雪飛散如天華著人衣久之而不濕

同州於大興國寺起塔舍利宿於近驛天夜雨明旦輿行雲日迎之開朗入自南門而城北兩如故既至寺又陰雨臨入函日乃出衆

色光相繞日如輪光是寺僧慧真夢見聖人項有圓光明照天地來自西方入門而立及舍利輿至無故止於其所因定塔基焉十二月八日夜有五色圓光從基而上遍照城內明如晝日五十里咸見之明年四月日光起

於塔西流照塔東良久乃滅

蒲州於括巖寺起塔九月二十六日舍利在治下仁壽寺其夜堂內光明如晝二十八日定基明日地大震山大吼巖上有鐘鼓之聲十月七日舍利將之括巖地又動八日輿登山從者千數大風從下而上因風力俄頃至

亦七

六

於佛堂其夜浮圖上有光長數尺乍隱乍顯至於十餘瓶內亦有光五道散出還斂入瓶又有二光並大如鉢出於西壁合為一道流入塔墓食頃乃滅俄而復出流入於堂山頂亦有大光照二百里遠望者皆言燒山九日夜又有二光繞浮圖其一流照西谷其一流

照南谷十二日堂內又有光狀如香鑪流至浮圖露盤移時乃滅其夜露盤上又有光或散或聚皆似蓮華移更乃滅十三日夜浮圖上又有光如三佛像並高尺停住者久之十四日夜有光三道從堂而出其一直上天其一流於東北其一狀如樓閣赫照州城自朔

至望寺及城內常聞異香桃李杏奈多華人採之以供養舍利入函之夜又有光再從塔出圓如大鏡諸光多紫赤而見者色狀不必同或云如大電或云如燎火其都無所見者十一三有婦人抱新死小兒來乞救護至夜便甦遇光照以愈疾者非一諸州皆有感應

而栖巖寺最多蓋由太祖武元皇帝之所建也
并州於舊無量壽寺起塔舍利初在道場大
衆禮拜重患者便得除起塔之且雲霧晝昏
至於已後日乃朗照五色雲夾之舍利舍利
將入函放光或一尺或五寸有無量天神各
持香華幢幡寶蓋遍覆州城

亦七

七

定州於恒岳寺起塔有一異翁來禮拜施布
一疋負土數籠人問其姓字而不答忽然失
之此地舊無水開皇三年初營寺其西八里
白龍淵忽東流而過作役罷水便絕及將起
新塔水復大流

相州於大慈寺起塔天時陰雪舍利將下日
便朗照始入函雲復合建塔之明年八月光
天尼寺僧寫得陝州瑞相圖置於佛堂神光
屢發如電又有五色雲蓋正臨堂上一日四
見焉又有白雲狀如林木雰雨金華其花之
狀形如大蝶色似青琉璃翱翔而下乃騰虛
而去明年正月寺內又雨天華

鄭州於定覺寺起塔舍利將至寺東有光如
大流星入至佛堂前而沒輿到此處無故自
止既而定塔基於西岸其東岸舊舍利塔有
二光西流入於基所寺僧設二千人齋供然
而方餘人食之不盡一甕飯出八十盆餘食
供寺衆二百人數日乃盡舍利將入函四面

懸幡無風而一時內向

蒿州於閑居寺起塔人衆從舍利者萬餘有
兔逆坂走來歷輿下而去天時陰雲舍利將
下日便朗照始入函雲復合

亳州於開寂寺起塔界內無石舍利至便於
三處各得一成磨方石一似函而無底乃合
而用之不須改鑿掘塔基至槃石有二浪井
夾之天時陰雪舍利將下日便朗照始入函
雲復合

汝州於興世寺起塔天時陰雪舍利將下日
便朗照始入函雲復合

秦州於岱岳寺起塔舍利至州其夜岳廟內

有鼓聲天將曉三重門皆自開或見三十騎從廟而出蓋岳神也舍利自州之寺未至數里雲蓋出於山頂五色而三重白氣如虹來覆舍利散成大霧沾濕人衣其狀如垂珠其味如甘露自旦至午霧氣乃斂而歸山分爲三段乍來乍往如軍行然蓋亦岳神之來迎

亦七

八

也於是瓶內有聲放光高丈餘食頃乃滅人審視之見琉璃內金瓶蓋自開瓶口有寸光如箸炯然西指雖急轉終不迴如此經八日將入函光遂散出還入金瓶雲霧復起有童子能誦法華經來禮舍利遂燒身於野以供養焉明年二月六日泰山神鼓竟夜鳴北聽則聲南南聽則聲北東西亦如之

青州於勝福寺起塔掘基深五尺遇磐石自然成大函因而用之及舍利將入瓶內有光乍上乍下

牟州於巨神山寺起塔舍利初至二大紫芝欸現於道天時陰雪舍利將下日便朗照始

入函雲復合

隋州於智門寺起塔十月六日掘基得神龜七日甘露降於石橋旁之楊樹有黑蜂無筭來繞之八日旦大霧舍利將之寺天便朗朗歷光化縣忽見門內木連理過楊樹之下甘露五道懸流沾灑輿上既而沉陰舍利將下

日便朗照始入函雲復合神龜色狀時異有文在其腹曰王興州使參軍獻之日日開匣欲視其頭而縮藏不可見勅使著作郎王劭審檢龜便長引頸足恣人反轉連日如之乃見有文在其頭曰上大王八十七千萬年皇帝親撫視之入於懷袖自然馴狎放諸宮治

亦七

九

及草內還來直至御前每放輒如之

襄州於大興國寺起塔天時陰晦舍利將下日便朗照始入函雲復合

揚州於西寺起塔州久旱舍利入境其夜雨大洽

蔣州於栖霞寺起塔隣人先夢佛從西北來

寶蓋旛花映滿寺衆悉執花香出迎及舍利至如所夢焉

吳州於大禹寺起塔舍利凡五度江風波不起既至寺放青黃赤白之光獲紫芝高二尺餘四莖共三蓋天時陰晦舍利將下日便朗照始入函雲復合

蘇州於虎丘山寺起塔其地是晉司徒王珣琴臺掘得軌函銀合子有一舍利浮之鉢水右轉四周舍利初發州天降雨未至寺日便出乃有雜色雲臨輿而行徘徊不散至於塔所空裏有音樂之聲既而天又陰晦舍利將下雲暫開舍利入函雲復合先是寺內鑿石

井并吼二日蓋舍利將來之應也

衡州於衡岳寺起塔沙門奉舍利自江陵水行二千餘里四遇逆風願定便定四乞順風皆如所欲初掘基融峯上有白雲闊二丈餘甚整直來臨基所右旋三市乃散既而陰晦舍利將下日便朗照始入函雲復合

桂州於緣化寺起塔舍利未至城十餘里有鳥千數夾輿行飛入城乃散舍利將入塔五色雲來覆之

番州於洪楊鄉崇楊里之靈鷲山寺起塔掘得宋末所置石函三其二各有銅函盛二小銀像其一有銀瓶子盛金瓶疑本有舍利今

乃空矣既而坑內有神仙雲氣之像昔宋王劉義隆之時天竺有聖僧求那跋摩將詣揚都路過靈鷲寺謂諸僧曰此間尋有異瑞兼值王者登臨徵應建立終逢菩薩聖主方大修弘其年冬果有群鷄共銜繡像委之堂內及齊主蕭道成初爲始興太守遊於此寺而

亦七

十

起白塔陳天嘉三年寺內立碑其文也如此聖主修弘驗於今日

交州於禪衆寺起塔

益州於法聚寺起塔天時陰晦舍利將下日便朗照始入函雲復合

廓州於法講寺起塔舍利初發京下宿於臨

臯沙門夢失舍利是夜廓州有光高數丈從東方來入寺右繞佛塔照及城樓內外洞朗遙望者疑燒積薪光漸西流食頃乃没及定塔基正當光没之所又有香氣氤氳異常瓜州於崇教寺起塔號州表言州雖不奉舍利亦請眾僧行道有

一異鳥來集梁上意似聽經不驚不動一夜一日乃下止於讀經之牀人人讚嘆摩挲又擊之以行道法師於佛前爲之受戒良久乃去隋州典籤王威送流人九十道逢舍利盡釋其囚千星期集無一違者隋州人於湏水作魚獄三百既見舍利亦悉浹放之餘州若此類蓋多矣

皇帝當此十月之內每因食於齒下得舍利皇后亦然以銀盃水浮其一出示百官須臾忽見有兩右旋相著二貴人及晉王昭豫章王暕蒙賜覘勅令審視之各於覘內得舍利一未過二旬宮內凡得十九多放光明自是

亦七

十一

遠近道俗所有舍利率奉獻焉

皇帝曰何必皆是真諸沙門相與推試之果有十三玉粟其真舍利鐵窻而無損

慶舍利感應表 并答 隋安德王雄百官等

臣雄等言臣聞大覺圓備理照空有至聖虛疑義無生滅故雖形分聚芥尚貯金甕體散

吹塵猶興寶刹自釋提請灰之後育王建塔已來未有分布舍利紹隆勝業伏惟皇帝積因曠劫宿證菩提降迹人王護持世界往者道消在運仁祠廢毀慈燈滅影智海絕流皇祚旣興法鼓方震區宇之內咸爲淨土生靈之類皆覆梵雲去夏六月爰發詔旨延請沙

門奉送舍利於三十州以十月十五日同時起塔而蒲州柘巖寺規模置塔之所於此山上乃有鐘鼓之聲舍利在講堂內其夜前浮圖之上發大光明爰及堂裏流照滿堂將置舍利於銅函又有光若香爐乘空而上至浮圖寶瓶復起紫焰或散或聚皆成蓮華又有

光明於浮圖上狀如佛像花趺宛具停住久之稍乃消隱又有光明繞浮圖寶瓶蒲州城內仁壽寺僧等遙望山頂光如樓閣山峯澗谷昭然顯見照州城東南一隅良久不滅其栖巖寺者即是太祖武元皇帝之所建造又華州置塔之處于時雲霧大雪忽即開朗正當塔上有五色相輪舍利下訖還起雲霧皇帝皇后又得舍利流輝散彩或出或沉自非至德精誠道合靈聖豈能神功妙相致此竒特臣等命偶昌年既覩太平之世生逢善業方出塵勞之境不勝抃躍謹拜表陳賀以聞門下仰惟正覺覆護群品濟生靈於苦海救愚迷於火宅朕所以至心迴向結念歸依思與率土臣民爰及幽顯同崇勝業共為善因故分布舍利營建神塔而大聖慈愍頻示光相宮殿之內舍利降靈莫測來由自然變現歡喜頂戴得未曾有斯實群生多幸延此嘉福豈朕微誠所能致感覽王公等表悚敬弥

亦七

十一

深朕與王公等及一切民庶宜更加剋勵興隆三寶今舍利真形猶有五十所司可依前式分送海內庶三塗六道俱免蓋纏稟識含靈同登妙果主者施行高麗百濟新羅三國使者將還各請一舍利於本國起塔供養詔並許之詔於京師大興善寺起塔先置舍利於尚書都堂十二月二日旦發焉是時天色澄明氣和風靜寶輿幡幢香花音樂種種供養弥遍街衢道俗士女不知幾千萬億服章行位從容有序上柱國司空公安德王雄已下皆步從至寺設無遮大會而禮懺焉有青雀狎於眾內或抽佩刀擲以布施當人叢而下都無所傷仁壽二年正月二十三日復分布五十一州建立靈塔令摠管刺史已下縣尉已上廢常務七日請僧行道教化打利施錢十文一如前式期用四月八日午時合國化內同下舍利封入石函所感瑞應者別錄如左

恒州	瀛州	黎州	觀州	魏州	秦州
兗州	曹州	晉州	杞州	徐州	鄧州
安州	趙州	豫州	利州	明州	衛州
洛州	毛州	冀州	宋州	懷州	汴州
莒州	幽州	許州	荊州	濟州	楚州
營州	杭州	潭州	潞州	洪州	
德州	鄭州	江州	蘭州	慈州	廉州
雍州	泉州	萊州	壽州	顯州	梁州
貝州	循州	滄州	齊州	信州	陝州

恒州表云舍利詣州建立靈塔三月四日到州即共州府官人巡歷檢行安置處所唯治下龍藏寺堪得起塔其月十日度地穿基至十六日未時有風從南而來寺內香氣殊異無比道俗官私並悉共聞及有老人姓金名瓚患鼻不聞香臭出二十餘年於時在眾亦聞香氣因即鼻差至四月八日臨向午時欲下舍利光景明淨天廓無雲空裏即雨寶屑天花狀似金銀碎薄大小間雜雰雰散下猶

如雪落先降塔基石函上遍墮寺內城治俱有雜色晃曜金晶映日時即將衣承取復在地拾得道俗大眾十萬餘人並見俱獲又利柱東西二處忽有異氣其色黃白初細後鹿如烽火煙龍形宛轉迴屈直上周旋塔頂遊騰清漢莫測長短良久乃滅又有四白鶴從

東北而來周遶塔上西南而去至二十日巳時築塔基恰成復雨寶屑天花收得盛有一升即遣行參軍王亮於先奉獻皇帝開花於寶屑內復得舍利三顆甚大歡欣

瀛州表云掘地欲安舍利石函時可深六尺許土裏忽有真紫色光現須臾遂滅其上即

有黑文雜間成篆書字云轉輪聖王佛塔謹表聞知

黎州表云掘基安舍利塔於地下得一瓦銘云千秋萬歲樂未央

觀州表云舍利塔上有五色雲如車蓋其日午時現至暮

魏州表云所送舍利數度放光復有諸病人或患眼盲或患五內發願禮拜病皆得愈至四月八日欲下舍利午時天忽有一片五色雲香馥非常須臾之間即降金花至九日旦復下銀花遍滿城池其花大者如榆莢小者似火精人人皆得函盛奉獻其日復有一黑

亦七

十四

狗耽耳白曾於舍利塔前舒左股屈右脚見人行道即起行道見人持齋亦即持齋非時與食不食唯欲得飲淨水至後日且起解齋與粥始喫且寺內先有數箇猛狗但見一狼狗無不競來吠啣若見此狗入寺悉皆低頭掉尾當余之時看人男夫婦女三十餘萬盡皆不識此狗未知從何而來

泰州表云欲下舍利時七日地微動至八日大動

兗州表云勅書分送起塔以瑕丘縣普樂寺最為清淨即於其所奉安舍利以去三月二十五日謹即經營以為函蓋初磨之時體唯

青質及其功就變同瑪瑙五色相雜紋彩煥然復於其裏間生白玉內外通徹照物如水表裏洞朗鑿人等鏡其送舍利

曹州表云三月二十九日舍利於子城上赤光現四月五日申時舍利現雙樹并有師子

現五日亥時舍利現金光長七寸六日卯時龍花樹現下有佛像俱出六日卯時漆龕板外光明狀如金花色六日申時漆龕比板上及佛菩薩雙樹等形六日亥時舍利精舍裏出黃白花光長四五寸八日辰時漆龕板後雲霧金光等形狀巳時漆龕板後娑羅樹蓮

亦七

十五

華影佛像衆僧師子形等午時塔上五色雲現午後漆龕內板上有娑羅雙樹林樓閣等現九日漆龕內板上疊石壘基文甲後漆龕板外大娑羅樹及僧執香爐等形容金佛像現似若太子初生身如黃金色後有三僧身著紫黃法服手提香爐供養其香氣與世香

不同每日恒聞

晉州表云舍利於塔前放光三度皆紫光色衆人盡見

杞州表云舍利以三月四日到州十四日辰時琉璃瓶裏色白如月須臾之間即變爲赤色至四月二日後變作紫光或現青色瓶內流轉一來一去循環不止道俗瞻仰咸共歸依實相容儀良久乃散七日午時神影復出變動輝煥於前無異

徐州表云舍利二月二十八日至州西一驛宿其夜陰雨舍利放光向州四十五里其淨道寺僧向北山看光影從驛所舍利處而來

舍利石函蓋四月五日磨治訖遂變出仙人二僧四人居士一人麒麟一師子一魚二自餘並似山水之狀

鄧州表云舍利四月六日石函變作玉及珊瑚其石有文現正國德三字并有仙人麟鳳等出

安州表云秦寺安置送舍利法師浮葉共州官人量度基申時忽有香氣氤氳乘空而至芬芳微妙世未曾有道俗咸皆驚愕隨至處所香氣遍滿至五更方始散盡又至四月八日行道日滿供設大齋午時欲下舍利道俗一萬餘人法師昇高座手捧舍利以示大衆

人人悲感不能自勝即有赤色從師手內瓶口而出便二度放光高一丈又下石函忽有白雲團圓如蓋正當函上右旋數而閉訖還當元出之處消滅又塔南先有佛閣當時鎖閉舍利於其下立道場遣二防人看守忽聞閣上有衆人行聲看閣門仍閉又復須臾復

亦七

十六

聞行聲即走告寺主來共開閣門上驗看唯有一佛像自外都無所見又下舍利訖日到申時有法師淨範投陀僧淨滔於舍利塔後臨水巖邊爲諸道俗受菩薩戒衆人見群魚行隊遊水首皆南出似欲歸依多少一萬餘請二禪師乘船入水爲魚受戒然水內諸魚悉

迴首向船隨逐巡行如似聽法

趙州表云舍利以三月四日到州臣等於治下丈際寺安置起塔二日治刹行道舍利於塔所放赤光從未至申更見不同或以像形或似樓閣或見白光乍大乍小巡遶舍利遶瓶行道或隱或顯或遲或速官人道俗莫不

覩見驚喜號咽沸騰寺內至四日又放赤光曜如金色縱橫一尺餘紫綠相間前後三度良久乃滅又見一佛像長二尺餘坐於蓮花趺坐又以二菩薩俠侍長一尺餘從如至已見諸形相道俗四部二萬餘人咸悉瞻仰豫州表云舍利瓶有白光須臾成五色遊轉

瓶內形相非常又鑿舍利銘其石更無異質鑿至皇帝一字從上點及堅牽橫畫隨鑿之處如刻金所成

利州表云舍利三月二十六日夜一更內放光遍照衙內如月

明州表云四月八日下舍利掘地安石函乃

亦七

十七

得一像

衛州表云四月三日齋訖舍利金瓶外其色紅赤鮮麗殊常或行琉璃瓶底或遊瓶側綠瓶上下光明外照比至八日照灼如初

洛州表云舍利三月十一日天降甘澤十三日乃止有戒德沙門僧猛先患腰脚不堪出

行其日聞舍利欲到合寺馳走僧猛自身抱患不得奉迎命弟子法藏扶持出戶迴心正念遂便得起行出城十里許親迎舍利因此瘳降漸堪得行

毛州表云舍利二月二十七日到州其日即依式安置一切男女皆發菩提心競趨歸依症者能言孿躄之人悉皆能行石函乃變如琉璃內外明徹四月十二日天雨金銀花等表送奉獻

冀州表云舍利放光五色照滿城治時有一僧先患目盲亦得見舍利復有一人患腰脚孿躄十五年自舍利到州所是患人禮拜發

願即得行動

宋州表云三月四日舍利至州其所部宋城縣市院先有古井漚由來鹹苦水色舊赤全不堪食其縣民胡子軋因取水和泥怪其色白嘗覺甚甘四月三日舍利於塔內放赤色光六日夜五更寺內又放白色光七日辰時寺內天雨白花自驗霏霏然狀如細雪不落於地八日午時欲下舍利入函天上有白鶴翔塔基之上

懷州表云舍利於州城長壽寺安置四月五日辰時有一雄雉飛來函側心閉從容實羽鮮華自飛自止曾無驚畏河內縣民楊邁特

小道俗六千餘人莫不同見勅使沙門靈即與受戒其雉向師似如聽法師云此雉是野鳥內法道理無容籠繫即令送城北太行山放之舍利塔廟復有一跡從塔東南三步而來直到塔所不見還蹤復無入處或闊四寸或闊三寸蟠屈透迤狀等龍蛇之跡官

亦七

十八

人道俗並悉共見入日至午前舍利欲入塔函遂放光於瓶外巡迴數匝輝彩照曜或上或下乍隱乍出

汴州表云舍利三月二日到州權置州館六日夜大德僧惠徹等忽聞香氣有異尋常至八日諸僧迎舍利將向塔所大德僧僧榮等

五人復聞香氣去惠福寺門四十餘步遂放青色光覆炤露帳大父乃滅其寺有舍利在僧房供養其日杞州人張相仁於僧房見寺內舍利復放青色光恰與新至舍利色狀相似十日復至見赤色光臨寺佛堂高五尺其夜四更復見青赤雜色光於寺復有一老母患聾已來二十餘年拄杖伏地而行聞舍利至寺強來禮拜於大眾裏見舍利光腰即得差捨杖而行

洛州表云舍利三月十六日至州即於漢王寺內安置至二十三日忽降香氣世未嘗有四月七日夜一更向盡東風忽起燈花絕燭

在佛堂東南神光炤燭復有香風而來官人道俗等共聞見於是弥增剋念至八日臨下舍利塔側桐樹枝葉低莖

幽州表云三月二十六日於弘業寺安置舍利石函始磨兩面以水洗之明如水鏡內外相通紫光炤起其石斑駁又類瑪瑙潤澤炫

亦七

十九

耀光似琉璃至四月一日起齋行道至三日亥時舍利前焚香供養燈光炤庭衆星夜朗有素光舒卷在佛輿之上至八日舍利入函自旦及辰函石現文髮髯像有菩薩光彩粉藻又似衆仙其聞鳥獸林木諸狀不惑者衆實難詳審其有文理照顯分明今畫圖奉進

許州表云三月三日初夜於州北境去州九十里舍利放光紫赤二色照曜州城內外民庶皆見神光四月七日在州大廳舍利出金瓶之外琉璃瓶內行道放光至八日在辨行寺塔所又放光明午時舍利欲入石函又有五色光彩雲來臨塔上雲形如蓋其日在塔

西南一百餘步依育王造塔本記一枯池不在四畔正在池中可深九尺忽有甘井自現其水不可思議當時道俗看者二萬餘人同飲齊見所錄瑞應奉表奏聞
荊州舍利現雲如車蓋正當塔上雲開雨花遊颺不落衆鳥翔塔

濟州舍利本一至彼現二放光炤現聞異香氣雲間出音自然鐘聲及以讚善大鳥群飛塔下

楚州舍利當行道日野鹿來聽鶴遊塔上
莒州舍利本一至彼現三放光映炤攝基地下忽得銅塔及症者能言

營州舍利三度放光白色舊龜石自然析解用書石函

杭州舍利山間掘基得自然石窟容舍利函
潭州舍利江鳥迎送

潞州舍利至彼自然泉涌飲者病愈
洪州舍利白項鳥引路

德州舍利至彼躡者能行犬鳥旋塔

鄭州舍利放光橋向內垂

江州舍利至彼行道日耕人犁得一銅像

蘭州舍利掘基地下得一石像又小兒撥得

二銅像

慈州舍利現白雲蓋如飛仙自然泉涌飲者

亦七

二十

病愈

廉州未得舍利別得一舍利放光佛香爐煙

氣又類蓮華黃白色天兩寶屑

雍州表云仁壽二年五月十二日京城內勝

光寺大興善寺法界寺州公廡裏及城治街

巷天兩銀屑大如榆莢小如麩等表送奉獻

仁覺寺五月十二日未時有風從西南來如

香氣氤氳沙門及經生道俗等並悉俱聞當

夜兩寶屑天花芭蕉枝葉櫻攔莖擗上人皆

拾得大小如前無異

仁壽二年六月五日夜仁壽宮所慈善寺新

佛堂內靈光映現形如鉢許從前柱遶梁椽

眾僧覩見

仁壽二年六月五日夜兩銀屑天花琵琶葉

上及餘草頭上落地

仁壽二年六月八日諸州送舍利沙門使還

官所見旨相問慰勞訖令九日赴慈善寺為

慶光齋僧眾至寺讚誦旋遶行香欲食空裏

微零復兩銀屑天花舍人崔君德令盛奉獻

京城內勝光寺摸得陝州舍利石函變現瑞

像娑羅雙樹等形相者仁壽二年五月二十

三日已後在寺日日放光連連相續緣感即

發不止晝夜城治道俗遠來看人歸依禮拜

闐門塞路往還如市遇斯光者照動羣心悲

亦七

九

喜發意其城內諸寺外縣諸州以綉素模將

去者或上舉放光或在道映照或至前所開

明現明光光色別隨見不同

仁壽二年七月十五日京城內延興寺灌寫

釋迦金銅像丈六其夜兩寶屑銀華香氣甚

異無比

陝州舍利從三月十五日申時至四月八日戌時合一十一度見靈瑞摠有二十一事四度放光

光內見華樹 二度五色雲 掘地得鳥

石函變異 八娑羅樹 樹下見水

一卧佛三菩薩一神尼函內見鳥三枝金華

興雲成輪相 自然播蓋

函內流出香 雲再放光

舍利在陝州城三月二十三日夜二更裏大通寺善法寺闡業寺並見光明唯善法寺所見光內有兩箇華樹形色分明久而方滅其色初赤尋即變白後散如水銀滿屋之內物

皆照徹舍利在大興國寺四月二日夜二更裏靈勝寺見光明洞了庭前果樹及北坡草木光照處見其形塔基下掘地得鳥舍利來向大興國寺三月二十八日卯時司馬張備共大都督侯進檢校築基掘地已深五尺有闕鄉縣玉山鄉民杜化雲鏤下忽出

一鳥青黃色大如鶉馴行塔內安然自處執之不恐未及奉送其鳥致死今營福事於舍利塔內獲非常之鳥既以出處為異謂合嘉祥今別畫鳥形謹附聞奏五色雲再見三月十五日申時舍利到陝州城南三里澗即有五色雲從東南鬱起俄尔摠成一蓋即變如

紫羅色舍利入城方始散滅當時道俗並見至二十八日未時在大興國寺復有五色雲從西北東南二處而來舍利塔上相合共成一段時有文林郎韋範大都督楊旻及官民等並同觀矚其雲少時即散者也兩度出聲舍利在州三月二十三日夜從寶座出聲如

亦七

九一

人間打靜聲至三乃止後在大興國寺四月五日酉時復出一聲大於前者道俗並聞石函內外四面見佛菩薩神尼娑羅樹光明等四月七日巳時欲遣使人送放光等四種瑞表未發之間司馬張備共靖縣令鄭乾意闕鄉縣丞趙懷坦大都督侯進當作人民侯謙

等至舍利塔基內石函所檢校同見函外東面石文亂起其張備等怪異更向北面乾意以衫袖拂拭隨手向上即見娑羅樹一雙東西相對枝葉宛具作深青色俄頃道俗奔集復於西面外以水澆洗即見兩樹葉有五色次南面外復有兩樹枝條稍直其葉色黃白

次東面外復有兩樹色青葉長其四面樹下並有水文於此兩樹之間使人文林郎韋範初見一鳥仰卧司馬張備次後看時其鳥已立鳥前有金華三枝鳥形大小毛色與前掘地得者不異其鳥須臾向西南行至佛下停住函內西南近角復有一菩薩坐華臺上面

亦七

廿二

此函本是青石色基黑闇見瑞之時變為明白表裏映徹周迴四面俱遣人坐並相照見無所翳障其函內外四面揔見一佛三菩薩一尼一鳥三枝華八株樹今別畫圖狀謹附聞奏午時四方雲起變成輪相復有自然幡蓋及塔上香雲二度光見

四月八日午時欲下舍利于時道俗悲號四万忽然一時雲起如煙如霧漸欲向上至於日所即遶日變成一暈猶如車輪內別有白雲團圓翳日日光漸即微闇如小蓋許在輪外周匝次第以雲為輻其輪及輻並作紅紫色至下舍利訖其雲散滅日光還即明淨復於塔院西北牆外大有自然幡蓋亦有見幡蓋圍繞舍利者當時謂有人捉幡供養至下舍利訖其幡蓋等忽即不見于時道俗見者不少至戌時司馬張備等見塔上有青雲氣從塔內而出其雲甚香即喚使人文林郎韋範大興寺僧曇暢入裏就看備共韋範等並

